

Guangjisi Minzcu Bau

ganhhau: CN45-0036 B.2017 Nd.6 Ng.28 liggaeuq dingyoux nienz ndwenloeg cohaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3280期

Bi 2017 Sawcuengh Vahcuengh Suijbingz Gaujsi Yaek Youq 7 Nyied 30 Hauh Youq Guengjsae Minzcu Daihhag Banh

2017 年度壮语文水平考试将于 7 月 30 日在广西民族大学举办

6 nyied 20 hauh, Swcigih Minzyijveij fat goenggauq, bi 2017 Sawcuengh Vahcuengh sui jbingz gaujsi dingh youq 7 nyied 30 hauh youq Guengjsae Minzcu Daihhag banh.

Gaujsi saedhengz doengjit daihgang, doengjit okdaez, doengjit habgek biucinj, doengjit guenjeix saenqsik caeuq doengjit mbawcingq daengjaep. Gaujsi yungh bizsi hingzsik guh, faen cogaep, cunggaep, gaugaep 3 aen daengjaep gaujsi. Gak daengjaep gaujsi faensoq dwg

100 faen, gaujsi cingzcik 60 faen dwg faensoq habgek, 60 faen doxhwnj 80 faen doxroengz dwg daengj iet, 80 faen(baugvat) doxhwnj dwg daengj gyap. Gaujsi neiyungz baugvat Sawcuengh Vahcuengh yaemvah, sawloih, vahfap, coenz vah, gap sawloih cau h coenz vah, yawjdoeg roxyiuj, fanhoiz(Cuengh hoiz Gun, Gun hoiz Cuengh) caeuq raiz faenzcieng daengj fuengmienh cihsiz, cujyau dwg gauj gij naengzlig yungh Sawcuengh Vahcuengh bauxgaujsi.

Gaujsi yungh gwnz muengx

bauqmingz caeuq daengz dieg bauqmingz 2 loh fuengsik. Danhfanz baux vunz gagnyienh camgya Sawcuengh Vahcuengh sui jbingz gaujsi mbouj hanh cizyez, yozliz, bi'ndwen daengj, cungj ndaej ciuq bauxvunz saedsaeh aeuyungh gag bauqgauj gvendaengz daengjaep. Neiyungz ciengzsaeq ndaej hwnj Guengjsae Minzyijveij Vangj(www.gxmyw.com.cn) caeuq Guengjsae Minzcu Bau Vangj(<http://www.gxmzb.net>) cazyawj.

(Moz Liujgvei)

Dasinh Yen Youzcet Daejniemh Fungcingz Mbouj Doengz Cungguk Caeuq Yeznanz Ndae Haengjgyaez



大新县中越异域 风情体验游受热捧

Gaenh geij bi neix daeu, Dasinh Yen haenqrengz dajcauh "youzcet daejniemh fungcingz henzgyaiq guek-coj baihnanz" "youzcet daejniemh fungcingz mbouj doengz dieg Cungguk Yeznanz" daengj henzguk lijyouz cawjdaez, yinxhaej ruzndoengj Yeznanz, funghgwnhaeux Yeznanz, gofoux Yeznanz daengj youzcet daejniemh hanghmoeg, yinx ndaej haujlai hekyouz daeu youzcet guhcaemz. Ndaw doz dwg 6 nyied 24 hauh, youq Aen Gingjih Gomoegmienz Geq Dasinh Yen, gyoengq hekyouz cingq daejniemh guh cunhgenj Yeznanz.

(Cinz Civan/覃志婉)

Fwen Dwzbaui Fat Ok "Sing'yaem Ndei" Vut Gungz 德保山歌发出脱贫“好声音”

"Daegsaek canjnieb ndaej hwnghat, diegbya vut gungz mbouj hojnanz; vut gungz gunggeng yaek saedyienh, vuenh gvanhnen moq baengh yisiz..." 6 nyied 21 hauh, Dwzbaui Yen Majai Cin Gujsou Cunh youq ndaw suen gonengznuengx banh ciengz hoi h fwen mbouj doxdoengz he. 8 baux canghfwen ndang daenj buhvaq minzcu yungh Vahcuengh Dwzbaui ciengq cwngecz ndei vut gungz, yinx ndaej bak lai baux vunz daeu dingq fwen.

Fwencuengh Dwzbaui lizsij gyaeraez, yaem'wenq fwen ndei dingq, dwg gij yisuz vwnzva bonjdieg

Bouxcuengh aen yienh neix. Bi 2010, fwen Dwzbaui ndaej laebdingh baenz Guengjsae Bouxcuengh Swcigih feihvuzciz vwnzva yizcanj gya'gvangq hanghmoeg. Gaenh geij bi neix daeu, aen yienh neix cungfaen vatcimh gijndei conzdungj Fwencuengh, dawz Fwencuengh haeu gyangsizsoj bae ciengq, dangguh aen caidij youqgaenj gangjvah youqgaenj Siz Ginbingz cungsuhi he, doengzseiz hopheux aen cawjdaez hong vut gungz gunggeng seizneix, giethab gij saedsaeh gak yanghcin, gak mbanj, mboujduen h gya'gvangq caeuq gyalai dieg

gangj gyangsizsoj, doenggyaq hoi h fwen doenghnaz, hoi h fwen ndaw suen gonengznuengx daengj gij hingzsik vunz lai haengj dingq gyaez yaw haenx, yungh Fwencuengh ciengz gak hangh leih beksingq fouq beksingq cwngecz dangj caeuq guekgya, neiyungz caeuq daezcaiz fwen yied daeu yied gvangq, yungh fwen gangj gij cingsaenz Siz cungsuhi gaeng baenz diuzroen ndei aen yienh neix doidoengh gij cingsaenz caeuq gak loih cwngecz gaep baihgwnz haeu laeg simvunz he.

(Lij Suhbingz/李淑萍 Veiz Gvei/韦桂)

SIUSIK DINJ

简讯

● 6 nyied 20 hauh, Denzdungh Yen Yinzsegiz lienzhah Sinhein Vozdwzmaj Denciz Youjhan Gunghshw youq yen veicanj cungsim banh aen hoi h cienmonz ciu nungzminzgungh. Baez hoi h ciuvunz neix daezhawj 480 aen guhhong gangjvei hawj bauxrahong, yinx ndaej le 209 baux nungzminzgungh daj 10 aen yanghcin daeu ra hong, dangciengz miz 35 baux nungzminzgungh ra ndaej hong.

(Maj Yengvagh)

● 6 nyied 23 hauh, Fuzdangz Lwngyez Yihyo Hwnghat Yenzgiu Cungsim cinjing cangqheiq bangfuz hanghmoeg youq Lozcwnz cingqsik hainduj, geizgan lauxhangz doenggyaq camcaz yawj bingh mbouj aeu cienz, comz hwnjdangz caeuq "saefouh daiq lwgsae" daengj lai cung hingzsik bangfuz dangdieg gungganq wzgoh vunzcaiz, daezsang Lozcwnz Fuyou Baujgenyen yawj bingh yw bingh sui jbingz, engq ndei fugsah gyoengq vunz lai mbanjbya Mulauj.

(Mungz Cwnghshw)

● 6 nyied 24 hauh banhaemh, Yungzsuij Myauzcuz Swciyen banh "angqyangz mbinnyeg · siengjmuengh hwnj din" cawjdaez vanjvei, ca mbouj lai bak baux lwngyez youwzyenz, cungh siuj hagseng ndaej daengz lauxsae sonyinx haenx gag bien gag yienj cozwvuj, bahleizvuj, lahdinghvuj daengj 20 lai aen cezmuz camgya vanjvei, yungh neix fungfouq saedceij rogdangz, saedyienh aen siengjmuengh canghdiuqfoux iq, yinx ndaej haujlai siminz daeu yawjngonz.

(Lungz Linzj)

● Gaenh geij bi neix daeu, Hozciz Si gaenjdaet hopheux reh ndei gihdi hwnjguh daengj gunghcwnz, haenqrengz hwnghat ndaem gonengznuengx ciengx nonsei canjnieb, roengzrengz saedyienh ciengx nonsei demgya yauqik, baux ciengx nonsei laisou. Daengz bineix 5 nyied daej, daengx si ndaem gonengznuengx daengz 85.1 fanh moux, gyoebuseng fat nonsei 155 fanh mbaw, ndaej reh 4.3 fanh dun. Seizneix, ndaem gonengznuengx ciengx nonsei nangqdaengz daengx si 11 aen yienh(si, gih) 133 aen yanghcin 1045 aen mbanj 24 fanh lai ranz bauxguhnaez.

(Ciengj Gvanh)